



20. december 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apequteqaateqarpunga:

**Naalakkersuisunut apequteqaatit:**

- 1. Innuttaasut qaqgu naatsorsuutigisinnavaat, nunatsinni ataavartumik tarnip pissusaanik ilisimasalimmik nakorsaqalernissamik, soorlu naatsorsuutaasimasoq danskit aningaasaqarnermut inatsisaani 2024-mi atuutsilersumi?**
- 2. Qaqgu Naalakkersuisut innuttaasunut killiffimmik ilisimatitsiniarpat, danskit naalagaaffiat peqatigalugu isumaqatiginninniarnerminni 140 mio.kr. nalinganut, nunanut allanut katsorsaanermi aningaasartuutaasartunut, Danmarkip siunissami akilertagaligassaannut?**
  - a. Suliassat suut tigussaassut Danmarkip akilertalissavaai?**
  - b. Qanoq sivisutigisumik isumaqatigiissut atuutssava?**
- 3. Naalakkersuisut qaqgu killiffimmik isumaqatigiinninniarnermut ilisimatitsiniarpat tarnikkut napparsimasunut immikkoortortami R3-mi Riskovimi inissap 17-issaanut suliniuteqartoqarneranut?**
  - a. Kiap tamanna akiligassarivaa? (Kalaallit Nunaat imaluuniit Danmarkip)**
- 4. Nakorsaatit suut kræfteqalissutaasinnaasut Danmarkimi inerteqqutaalernikut, nunatsinni suli atuutsinneqarpat?**
  - a. Naalakkersuisut nassuaateqarsinnaappat, suna pissutaanersoq nakorsaatit pineqartut inerteqqutaasut Kalaallit Nunaani suli atorneqarnerannik?**

(Inatsisartunut ilaasortaq Anna Wangenheim, Demokraatit)

**Tunngavilersuutit:**

Tusagassiuutini arjalinni saqqummentarpoq Danmark annertusisamik aningaasatigut sulisussatigullu peqqissutsimut attuumassuteqartumik nunatsinni suliniuteqarniartoq, soorlu tamanna folketingimi qineequsaarnermi aammalu aningaasanut isumaqatiginninniarnermi angusaasimasuni ukiuni 2024-mi 2025-milu danskit aningaasanut inatsisiaanni.

Tamanna ammasumik saqqummiunneqartarnissa maqaasivara, aammalu innuttaasumut qanoq sunniuteqarsinnaaneranik sivisuumik R3-mut unitsinneqarnissamut utaqqisariaqarneq pissutaalluni, aammalu tarnip pissusaanik ilisimasalimmik nakorsamit takuneqarnissamut.

Taassumap saniatigut tigussaassumik ersarissaasoqarnissaa amigaataavoq, Naalakkersuisut isumaqatiginninniarnerminni nunanut allanut katsorsartinnissamut angusimasaanut.

Ataatsimiititaliamit angalanermi Kalaallit Peqqissartut Illuanni, uninngasup oqariartuutigivaa ilisimatinneqarsimalluni nunatsinni nakorsaatit kræfteqalissutaasinnaasut Danmarkimilu inerteqqutaasut, nunatsinni suli atorneqartartut. Ilisimatissut pingaaruteqaqimmat katsorsartikkartortunullu



**DEMOKRAATIT**  
**DEMOKRATERNE**

ernumanartumik inissisimatitsimmat, pingaaruteqartutut isigaara nunaqqatitsinnut nassuaasoqarnissaanik.

Apeqquutikka ulluni suliffiusuni qulit iluanni akineqarnissaat qilanaaraara.